

84(2Рос-Рвс)6-5
К 89

Р.

Раиса Куклина

Ловзьысь муслун



Народная библиотека

Листок срока возврата книг

**КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ**
указанного здесь срока

15.11.16

Раиса Куклина

Ловзысь муслун

411322

ГБУ РК «Национальная детская
библиотека Республики Коми
им. С.Я. Маршака»

167981, г. Сыктывкар, ГСП-1, ул. Советская, 20

Издательство
Союза писателей Республики Коми

Сыктывкар
2012

Редакционная коллегия
«Библиотеки молодых»:

Елена Козлова (председатель)

Галина Бутырева

Валерий Вьюхин

Михаил Елькин

Нина Куратова

Надежда Мирошниченко

Алексей Попов

Андрей Попов

Александр Суворов

Александр Ульянов

© Куклина Р., 2012.

© Союз писателей

Республики Коми, 2012.

* * *

Коми кывйöй, медбур ёртöй!
Коми кывйöй,
 нимкодълунöй,
 сьöлөмшөрöй,
 мена м лолöй.
Сьökыд здукö
 менö гажöd.
Кödзыд кадö,
 кора, шонты!
Коми кывйöй,
 медбур ёртöй!

* * *

Ме кӧсья
лоны мамӧн коми кывлы.
Мед сійӧ дзоридзалис,
водзӧ содтіс мич.
Ак, кутшӧм лӧсьыд эськӧ вӧлі,
некодсянь да некор кӧ
эг кывлы,
мый менам кывйӧй — кыдъя...

* * *

Личöдышта сьöлöм,
восьта мелі сыв:
Зарниысь на дона
меным чужан кыв.

Талун сылысь ловсö
он нин шу: му орт.
Енъюгдлысь горсö
кылö коми морт.

* * *

Чужан кывйöй нор му руа...
Сöмын шогö ме ог усь:
енэж сьöрсьөн-бöрсьөн ыстö
зэркöд... лымкöд... вежа тусь.

* * *

«А ме тэкөд, Коми муөй!» –
чужан кывйөн сылы шуа.
Сөмын өні аслым восьті,
кутшөм, вөлөм, кывйыс мыла.

Шмонь пыр тшөкыда ме шула,
мися, роч зырянка ачым.
Коми кывтөг – быттьө кула:
мена м сьөлөм быттьө пачын...

Ловзыысь муслун

* * *

Мый вöчам? Олам. Водзö олам...
И öта-мöдлы важ моз колам.
И гажным бырö. Бырö збыльысь!
А муслун миян ловзö выльысь.

Ме тэкöд сёрнита. Ог гора.
А сьöлöм висьтасьö зэв нора,
мый гажтöм тэтöг паськыд муыс
и абу кыпыд сьöлöм руыс.

Ме тэнö радейта! Зэв ёна!
Тэ меным дона, меным колан...
Тэ меным отсалан. Збыль – овлö.
Сэк нимкодь лолö менам ловлы.

* * *

Ме тэнад йөлөгао пөри
да сеті ассъым – дзоньнас – лов?!
Со – юксё шогөй менам шөри,
и олөм визулсьыс ог пов.

А тэысь мыйлакө тай пола.
Кор аддза, сэки содта өд.
Мед эн и төд, мый меным колө,
Мый көсья, медем эн и төд.

* * *

Абу ме сэтшөм,
кутшөмөн чайтан!

Гашкө, он дивит?!

А бурджык – эн вид!

Абу ме идөг...

Абу и шань...

Чир абу авъя!

Ме – ас руа ань.

Морт ногөн ог ов.

И таысь эн дөзмы тэ!

Öд ме кодь жö ачыд –
инасьтөм лов...

* * *

Топöда вомöс,
мед эськö не корны.
Ас кежысь шöпкöда:
«Виччыся...

виччыся... виччыся...»

Киясöс дзеба,
медым не сывйыштны.
А ачым...
сьöлөмсянь кора:
«Матыстчы...
Да кутышт нин! Кутышт!..»
Петігад окота сувтöдны,
пöся тэнö окыштны.
А сы пыдди ылісянь
малышта синъясөн.
Тырмас...

* * *

Косьмөм юкмөсө уси лолөй.
Бөрдө, пессьө да-й кулөмысь полө.
Тэнө виччысьө, чуксалө, корө...
Сөмын весьшөрө. Олөмыс орө.

Ловлысь йөрмөмсө шондыс аддзис,
Пемыд юкмөсас пыраліс ачыс.
Буссө пөлыштис. Лолөс шонтис.
Сійө бордсяліс... Кыпөдчис... Ловзис.

* * *

Тэ мунан өдзөс дорё...
И сьөлөм тиньгё-пессьё:
«Ог-лэдз! Эн-мун!
Ог-лэдз! Эн-мун!»

Кор петан өдзөс сайё,
менама сьөлөмө
овмөдчө коч.

* * *

Пöльышта-сьöлышта!..

Ылö-бөрö коля шог

да курыд пасъяс.

Менам дона мортöй!

Лэпты гажа керка

ён да зумыд керйысь.

Кута тэкöд овны.

Майбыравны. Кургыны.

Шудыс, эска, – водзын!

* * *

Тэ таркөдчан! Ме өдзөс восьта.
Звөнитан – шыася.
А быттьö ог и кöсйы!
Шензьöмөн шензя,
 мыйла тадз вöча?
Воас-ö сэтшöм здук, кор оз ло окота
 пöся чолöмавны тэнö,
 нимкодясъыштны,
 мелiа нерыштны...
Биысь моз сiйö здуксыс пола.

* * *

Эн нин сэтшөма норась,
быттьö сөй пиö вöйин...
Волі повтөг, дай корась,
гашкө, нюммуна вөлись.

Кадыс юсь кодь со еджыд.
Олөм + енэж моз – югдö.
Норыс, шогыс – зэв гежөд.
Лолöй висьöмысь дугдö.

Тэнад сьöлөмыд – ытва!..
Пола... яндыся... лэба...
Асья, лунся и рытъя...
Войся нюмөс ме дзеба.

* * *

Мусаой! Кытысь тэ төдін,
мый сьөлөмөй ойдліс вирөн?
Ас кежысь нюмъяла: «Кы-ы-ы-тысь?..»
Ачыл, буди, он гөгөрво,
кызди тэ меным отсалін!
А мый и шуин?
«Тэ ме йылысь эн вунөд».
Вежа кывъяс!
Медбур отсөгыл овлө сэк,
кор мортыс оз и төд,
кызди сійө отсаліс.

411322

ГБУ РК «Национальная детская
библиотека Республики Коми
им. С.Я. Маршака»
167981, г. Сыктывкар, ГСП-1, ул. Советская, 20

* * *

Енэжыс мичаа югъялө.
Гожöмыс паськыда нюмъялө.
Авъяöсь, шоньдöсь синъясыд,
Небыдöсь, меліöсь киясыд.

Окота крепыда сывйыштны,
Гусьöник кургыштны-сылыштны.
Пытшкöсысь кымөръяс пöлыштан...
Öтувъя лолөн ми лолыштам.

* * *

Кор тэнсьыд кывбуръястө лыддя,
ме лэба енэжтіыс быттё.

И сьөлөмсянь сэк пөся кевма,
мед сьökыд туйтө венны вермин.

Мед лолыд тэнад сөстөм вөлі
и вермин отсасьны тэ йөзлы.
Көть гожөмын, көть көдзыд төлын,
мед Енмыс тэныд шудсө вөзйис.

И мед эз повзьöd сылөн суд,
кузь нэм тэд, донаөй, бур шуд!
Мед лолыд тэнад вөлі кыпыд,
да мед эз вермы некор дышыд.

Кымөръяс моз мөвпъясöй...

Ме вөрö эг вошлы...
И тэ менö сэтысь эн петкөд.
И ваö эг вöйлы.
Сэсь кыскöм эз вöv.
Но овлö öд, овлö...
Кор сьөлöмöй мыйлакö доймö,
а вежөрöй сэки – лёк бус.
Тэ ньöжйöник... небыда... катöдлан
енэжлань мудзыштöм лолöс...
Сэк сьөлöмлы – шоныд,
дай нюмöй оз кус...

* * *

Нетшыштчыла!

Час, мися, аддзысьла, юася...

Такодас... Велодас...

Здук кежлө кыпөдчылас лолөй!

А здук мысти

лым чир моз көсйөмөй сылө.

«Ачыс ассыс олөмсө лөсьөдны эз куж...» —

Татшөм мөвпсыс жугыльма.

А лолөй ыззьывлө да лөньлө.

* * *

Абу кө мортҥыс орччөн,
меным сэтшөм гажтөм.
Мыйкө пытшкын висьö ли,
доймö ли...

Киö удж оз пыр.
Виччыссьö... Локтö оз-ö?..

А петкөдчас кө,
матö ог сибөд.

Сидзкө, артмө, ылавла?..
А мыйла нö эськө
сэтшөм бура кыла
виччысян дойсö?..

* * *

Гашкӧ, он и ков тэ меным,
а колӧны тэ йылысь мӧвпъяс,
кодъяс чужтӧны ме пытшкын

нимкодълун.

* * *

Сьөлөмөй, сьөлөмөй!
Коркө тэ вөлін сэтшөм бур,
сэтшөм азым!
Дась вөлін отсасьны йөзлы,
кевмысин на вөсна.
А өні?!
Дөзмин ли?.. Чорзин ли?..
Мучитча. Майшася.
Виччыся выль Гожом.

* * *

Аскиаыс – төдтөм...
Верма-ө висьтавыны,
 кутшөм сьөлөм кылөм
 садымөдас асывнас?
Кутшөм кыв шуас
 аддзысьлігөн
 медматысса ертөй?
Шондіыс-ө югдөдас
 пемыдруд енэжсө
 али зэр бөрын енэжыс югдас?
Олөмас тшөкыдджыка овлө сэтшөмтор,
 мый он виччысь.

* * *

Вабергачын!!!
Песся-бергала!
Киясös енэжлань чургöдла!
А юр весьтын – каляяс!..
Бордьяснас öвтчöны.
Визулас уялöны-гажöдчöны черияс.
Шондi кöчьяс полькöдчöны ваас,
бандзибьясös шонтöны.
Кутчыся!!! Виччыся!!!
Мыйкö öд олöмын бурмас!..

* * *

Кымөръяс моз мөвпъясöй
кывтöны-лэбöны менам вежöрын.

А кысь и тöлыс?

Разалöны тай...

Овлö, и сьölöмös тöдлытöг-казявтöг
топöдлöны майшасьöмъяс да

куруд мөвпъяс.

А сэсся – виччысьтöг

сывйыштö нимкодясьöм.

Он на тай ов, кыз кöсьян!

* * *

Эскөм! Зарни тусь!
Тэ кытчө вошин?
Вошин – и сьөлөм дузгысис.
Оз чужты көсйөмъяссө.
Оз виччысь шензьөданаторъяссө.
Оз ылькъяв шуд пиас...
Ак, эскөм!..

* * *

Чужлывлө кӱсйӱм
аддзывны тӱнӱ...
Гӱлӱс шытӱ кывзыштны,
сьӱлӱмыдлысь ӱдсӱ.
Пуктивны юрӱс сой вылад.
И – вошӱ.

Немвиччысьтӱг!

Тадз енӱжыс
нӱылыштлывлӱ
сӱвмытӱм на... нӱр...
ӱшкамӱшкасӱ.

* * *

Тойлала... тойыштча...

Тадз өд и ола.

А мыйлакө...

Мыйыськө...

Помтөг ме пола.

Полөмсьыд, збыль вылас,
нем абу бурыс.

А сьөлөмад кольө
артавтөм вурыс.

* * *

Ме смелмөдча
 да пета туйө.
Мый лоан – лоас!
 Ог тай пов...
Ак, паськыд туйө!
Ылі муө менө нуөд,
 көн шудөн тырө
 менам лов,
көн сьөлөм ойдас
 олан вынөн
и дыр на олас колан ног...
Ак, паськыд туйө,
 сөмын тэ эн ылөд!

Содержание

«Коми кывйöй, медбур ёртöй!..»	3
«Ме кöсья лоны мамöн коми кивлы...»	4
«Личöдышта сьöлöм...»	5
«Чужан кывйöй нор му руа...»	6
«А ме тэкöд, Коми муöй!..»	7
<i>Ловзьысь муслун</i>	
Мый вöчам? Олам. Водзö олам...»	8
«Ме тэнад йöлöгаö пöри...»	9
«Абу ме сэтшöм, кутшöмöн чайтан!..»	10
«Топöда вомöс, мед эськö не корны...»	11
«Косьмöм юкмöсö уси лолöй...»	12
«Тэ мунан öдзöс дорö...»	13
«Пöльышта-сьöлышта!..»	14
«Тэ таркöдчан! Ме öдзöс восьта...»	15
«Эн нин сэтшöма норась...»	16
«Мусаöй! Кытысь тэ тöдін...»	17
«Енэжыс мичаа югъялö...»	18
«Кор тэнсьыд кывбуръястö лыддя...»	19
Кымөръяс моз мөвпъясöй...	20
«Нетшыштчыла! Час, мися...»	21
«Абу кö мортыс орччөн...»	22
«Гашкö, он и ков тэ меным...»	23
«Сьöлöмöй, сьöлöмöй!..»	24
«Аскиаыс – тöдтöм...»	25
«Вабергачын!!! Песся-бергала!..»	26
«Кымөръяс моз мөвпъясöй...»	27
«Эскöм! Зарни тусы! Тэ кытчö вошин?..»	28
«Чужлывлö кöсьöм аддзывны тэнö...»	29
«Тойлала... тойыштча... Тадз öд и ола...»	30
«Ме смелмöдча да пета туйö...»	31

Раиса Куклина. И воскреснет любовь.

Редактор Анжелика Елфимова.


Технический редактор Николай Вахнин.

Заказ 067/2012. Тираж 200 экз.

Отпечатано с готовых оригинал-макетов в

ООО «Типография «Полиграф-Сервис»

г.Сыктывкар, ул. Ленина, 4, тел. 8(8212) 21-48-36





Раиса Ильинична Куклина чужис 1951 вося сентябрь 16 лунö Сыктывкарын. Уджысь ордчытöг помалис КГПИ-са филология факультет, сэсса велöдчис аспирантураын. Уджалис научной сотрудникöн РАН-лөн УрО-са Коми наукалөн шöринын, Кыв, литература да история институтса литература юкöнын. Туялис коми драматургия.

Коми кыв вылын кывбуръяс заводитис йöзöдны 1997 восянь.

2001 воын петис «Тэ менам шондйöй» медводдза кывбур чукöр – «Öтувъя керка» небöглөн юкөн. Йöзöдöма кык кывъя кывбур чукöръяс: «Ты и я» – «Тэныд нимкодья сыыла...» (2005), «Эн дивит тэ менö...» – «Не спешите расставаться...» (2007) нимъяс улын.